



Broj: 15-03-16-5-60-46/25
Datum: 9.2.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (3) i člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) te člana 8. stav (1) tačka b) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikacione dokumente, evidenciju i razmjenu podataka Bosne i Hercegovine donosi

O D L U K U o poništenju postupka javne nabavke

Član 1.

Poništava se postupak javne nabavke **usluga čišćenja kancelarijskog prostora u Banjaluci - LOT 1 – u sjedištu Agencije**, objavljenom na Portalu javnih nabavki Bosne i Hercegovine, Obavještenje o nabavci broj 1110-1-2-70-3-126/25 od 12.12.2025. godine, koji je proveden otvorenim postupkom.

Član 2.

Stavlja se van snage Odluka o izboru najpovoljnijeg ponuđača, broj 15-03-16-5-60-36/25 od 19.1.2026. godine.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke usluga čišćenja kancelarijskog prostora u Banjaluci je konstatovala da je rok za prijem ponuda bio 5.1.2026. godine do 10:00 sati, te da su do navedenog roka na pisanicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za LOT 1 – usluge čišćenja kancelarijskog prostora u sjedištu Agencije pristigle tri (3) ponude i to od ponuđača: EURO-EMS d.o.o. Tešanj, A-D PRAONICE d.o.o. Banja Luka i PERFECT CLEAN d.o.o. Banja Luka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-60-30/25 od 8.1.2026. godine, u kojem su detaljno obrazloženi razlozi za izbor najpovoljnijeg ponuđača. Zapisnički je utvrđeno da su ponuđači A-D Praonice d.o.o. Banja Luka i PERFECT CLEAN d.o.o. Banja Luka kvalifikovani, te da su dokumenti dostavljeni na propisani način kako je to definisano tenderskom dokumentacijom. Takođe je utvrđeno da ponuđač EURO-EMS d.o.o. Tešanj nije kvalifikovan jer nije dokazao da ispunjava uslove u pogledu ekonomsko-finansijske sposobnosti koji su postavljeni u skladu sa članom 47. Zakona o javnim nabavkama.

Daljom analizom ponuda Komisija je utvrdila da je ponuda ponuđača PERFECT CLEAN d.o.o. Banjaluka neprihvatljiva jer ponuđena cijena ponude prelazi planirana novčana



sredstva ugovornog organa za predmetnu nabavku, te da samo ponuđač A-D Praonice d.o.o. Banja Luka ispunjava sve uslove u pogledu opisa predmetne nabavke i tehničke specifikacije i uslova postavljenih Tenderskom dokumentacijom.

U skladu sa navedenim, Komisija je, u postupku sa kriterijumom ekonomski najpovoljnija ponuda, utvrdila da je ponuda ponuđača A-D Praonice d.o.o. Banja Luka sa ukupnom cijenom od 33.600,00 KM bez PDV-a, odnosno od 39.312,00 KM sa PDV-om i ponuđenim vremenom usluge čišćenja u prostorijama sjedišta Agencije od 15 sati, najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa dala je preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije donesena je Odluka o izboru najpovoljnijeg ponuđača, broj 15-03-16-5-60-36/25 od 19.1.2026. godine. Po zaprimanju obavještenja o izboru najpovoljnijeg ponuđača, izabrani ponuđač A-D Praonice d.o.o. Banja Luka je dostavio dopis, broj 11/26 od 23.1.2026. godine, kojim Agenciju obavještava da ne može da prihvati zaključenje ugovora za LOT 1, budući da su nakon dostavljanja ponude nastupile značajne promjene koje imaju direktan uticaj na ekonomsku isplativost društva. Naime, nakon dostavljanja ponude, a prije zaključenja ugovora, došlo je kako navode do izmjena zakonskih i podzakonskih akata kojima je propisano povećanje minimalne plate, kao i povećanje iznosa toplog obroka, što je dovelo do značajnog rasta troškova rada.

Cijeneći da je izabrani ponuđač dostavio zvanično obavještenje o nemogućnosti zaključenja ugovora, te da u postupku nije bilo drugih prihvatljivih ponuda, Agencija u skladu sa članom 69. stav (3) Zakona o javnim nabavkama otkazuje postupak javne nabavke zbog dokazanih razloga koji su izvan kontrole Agencije i koji se nisu mogli predvidjeti u vrijeme pokretanja postupka javne nabavke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset (10) dana od njenog objavljivanja na *web* stranici Agencije. Žalba se podnosi Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom i to u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed